

# INUIT ATAQATIGIIT

## INATSISARTUNI



UKA2021/171

10. november 2021

Charlotte Pike

**Savalimmiuni, Kalaallit Nunaanni Islandimilu Naalakkersuisut issittumi suliassaqarfiit pillugit suleqatigiinnissamik Nunat Avannarliit Killiit Siunnersuisoqatigiiffiannit kaammattorneqarput – tassani Naalakkersuisut issittoq pillugu akisussaaffillit, ikinnerpaamik ukiumut ataasiarlutik naapittassallutik – tamatumani:**

- **Nunat Avannarliit Killiit Issittumi soqutigisaannik nukittorsaallutillu ataqtigiissaarisassasut**
- **Issittumi allanngoriartortoqarneranut atatillugu atlantikup avannaata isiginiarneqarnissaa sulissutigissagaat**
- **Issittumi allanngoriartornermut atatillugu nunani avannarlerni killerni imaani, pinngortitami, kiisalu inuit inuussutissarsiornerlu eqqarsaatigalugit piujuannartitsinermik tunngaveqarluni iluarsiissutissanik nassaarniarlutik sulissutiginnissasut**
- **Nunat Avannarliit Killiit Siunnersuisoqatigiiffiannut ataqtigiissaakkamik paasissutissiisarlutik – matumani aamma Nunat Avannarliit Siunnersuisoqatigiiffianni Issittumi suliassaqarfiit pillugit suleqatigiissitamut**
- **Issittumi suliassaqarfiit kiisalu Issittoq pillugu Siunnersuisoqatigiit eqqarsaatigalugit nunat avannarliit killiit naalakkersuisuisa kissaataannut tunngatillugu..**

(Aallartitat siulittaasuat Pipaluk Lynde-Rasmussen)

Nunat Avannarliit Killiit Siunnersuisoqatigiiffianni Siulittaasumut qujalluta Inuit Ataqatigiinniit ima oqaaseqarfingissavarput.

Issittumi allanngoriartorneq tunngavigalugu suleqatigiissutissat inuussutissarsiornikkut imaani pinngortitamilu piujuannartitsinermi tunngaveqarluni suleqatiginnifiussussat

# INUIT ATAQATIGIIT

## INATSISARTUNI



Nunat      Avannarliit      Killiit      Siunnersuisooqatigiiffianniit      Naalakkersuisunut  
kaammattuuteqaqqipput.

Taamatut suleqatigiinnissamik oqariartorneq suleqatigiinneq ataqtigissaakkamik paassisutissiisarneq ingerlanneqarnissaa naatsorsuutigineqassooq. Tassanittaaq minnerpaamik ukiumut ataasiaq, taassumalu saniatigut pisariaqarfisiqut ataatsimeeqatigiittarnissaq aamma kissaataalluni.

Naalakkersuisunut      kaammattuut      Inuit      Ataqatigiinniit      taperserlugu  
aappassaaneertinnagu      ataatsimiitaliami      susassaqartumi      suliarinnittussat  
sulilluarnissaannik kissaappagut.